

В Понедельник
Первые Седмицы Святых Постов
На Повечерии.

Начинаем Великий канон, творяще и на части четыре со ирмосом, яко исполнителя ему в четверток вечера. Творение святого отца нашего Андрея Критского, Иерусалимского. Творим же на кийждо тропарь метания 3.

Великий канон. Глас 6.

Песнь 1.

Ирмосы по дважды: Помощник и покровитель/ бысть мне во спасение,/ Сей мой Бог, и прославлю Его,/ Бог отца моего, и вознесу Его:/ славно бо прославися.

Припев: Помилуй мя, Боже, помилуй мя.

Откуда начну плакать/ окаянного моего жития деяний?/ Кое ли положу начало, Христэ, нынешнему рыданию?/ Но яко благоутробен,/ даждь ми прегрешений оставление.

Гряди окаянная душе, с плотию твою,/ Зиждителю всех исповеждься,/ и останися прочее прежнего безсловесия,/ и принеси Богу в покаянии слезы.

Первозданного Адама преступлению поревновав,/ познах себе обнажена от Бога/ и присносущного Царствия и сладости,/ грех ради моих.

Увы мне окаянная душе,/ что уподобилася еси первой Еве?/ Видела бо еси зле, и уязвилася еси горце,/ и коснулась еси древа и вкусила еси дерзостно/ безсловесныя снеди.

Вместо Евы чувственные/ мысленная ми бысть Ева,/ во плоти страстный помысл,/ показуй сладкая/ и вкушай присто/ горького напоения.

Достоино из Едема изгнан бысть,/ яко не сохранив едину Твою, Спасе, заповедь Адам:/ аз же что постражду,/ отменя всегда животная Твоя словеса?

Слава, Троичен: Пресущная Троице, во Единице покланяемая,/ возми бремя от мене тяжкое греховное,/ и яко благоутробна,/ даждь ми слезы умиления.

И ныне, Богородичен: Богородице, надежде и предстательство Тебе поющих,/ возми бремя от мене тяжкое греховное,/ и яко Владычица Чистая,/ кающаяся прими мя.

Песнь 2.

Ирмос: Вонми, небо, и возглаблю,/ и воспою Христа,/ от Девы плотию пришедшаго. (дважды)

Вонми небо, и возглаблю,/ земле, внушай глас,/ кающийся к Богу и воспевающий Его.

Вонми ми, Боже, Спасе мой,/ милостивным Твоим оком,/ и прими мое теплое исповедание.

Согреших паче всех человек,/ един согреших Тебе,/ но ущедри яко Бог, Спасе,/ творение Твое.

Вообразив моих страстей безобразие,/ любосластными стремленими/ погубих ума красоту.

Буря мя злых обдержит,/ благоутробне Господи,/ но яко Петру,/ и мне руку прости.

Оскверних плоти моея ризу/ и окалях/ еже по образу, Спасе,/ и по подобию.

Омрачих душевную красоту/ страстей сластемь,/ и всячески весь ум/ персть сотворих.

Раздрáх ны́не одéжду мою́ пéрвую,/ ю́же ми изткá Зиждíteль из начáла,/ и от-
тúду лежú наг.

Облекóхся в раздрáнную рíзу,/ ю́же изткá ми змий совéтом,/ и стыждúся.

Слéзы блудницы, Щéдре,/ и аз предлагáю,/ очíсти мя, Спáсе,/ благоутрóбием
Тво́йм.

Воззрéх на садóвную красотú/ и прельстíхся умóм,/ и оттúду лежú наг, и срам-
ляюся.

Дéлаша на хребтé моём/ вси начáльницы страстéй,/ продолжáюще на мя/ безза-
кóние их.

Слава, Троичен: Едíнаго Тя в триéх Лíцах,/ Бóга всех пою́,/ Отцá и Сы́на и Дúха
Святáго.

И ныне, Богородичен: Пречíстая Богорóдице Дéво,/ едíна Всепéтая,/ моли́ при-
лéжно во éже спастíся нам.

Песнь 3.

Ирмос: На недви́жимом, Христé, кáмени за́поведий Тво́их,/ утвердí моé помыш-
лéние. (дважды)

Огнь от Гóспода иногда́/ Госпóдь одождíв,/ зéмлю Содóмскую/ прéжде попалí.
На горé спасáйся, душé,/ я́коже Лот óный,/ и в Сигóр угонзáй.

Бéгай запалéния, о душé,/ бéгай Содóмскаго горéния,/ бéгай тлéния Бо-
жéственного плáмене.

Согрешíх Тебé едíн аз,/ согрешíх пáче всех, Христé Спáсе,/ да не прéзриши менé.

Ты еси́ Пáстырь дóбрый,/ взыщí менé áгнца,/ и заблúждшаго да не прéзриши
менé.

Ты еси́ слáдкий, Иисýсе,/ Ты еси́ Создáтелю мой,/ в Тебé, Спáсе, оправдáюся.

Исповéдаюся Тебé, Спáсе:/ согрешíх, согрешíх Ти,/ но осла́би, оста́ви ми,/ я́ко
благоутрóбен.

Слава, Троичен: О Трóице Едíнице Бóже!/ Спасí нас от прéлести,/ и искушéний, и
обстоя́ний.

И ныне, Богородичен: Рáдуйся, Богоприятная утрóбо,/ рáдуйся, престóле Гос-
пóдень,/ рáдуйся, Мáти Жíзни нáшей.

Песнь 4.

Ирмос: Услýша проро́к/ пришéствие Твоé, Гóсподи, и убоя́ся,/ я́ко хóщеши от
Дéвы родíтися/ и челове́ком явítися, и глаго́лаше:/ услýшах слух Твой и убоя́хся,/
сла́ва síле Твоéй, Гóсподи. (дважды)

Дел Тво́их да не прéзриши,/ создáния Твоегó да не оста́виши, Правосúде,/ áще и
едíн согрешíх, я́ко человек,/ пáче вся́каго челове́ка, Человеколю́бче,/ но ймаши, я́ко
Госпóдь всех,/ власть оставлáти грехí.

Приближáется, душé, конéц, приближáется,/ и нерадíши, ни готóвишися,/ врéмя
сокращáется, востáни, близ при двéрех Судия́ есть,/ я́ко sóние, я́ко цвет, врéмя жития́
течёт,/ что всýе мятéмся?

Воспря́ни, о душé моя́,/ де́яния тво́я, я́же соделала еси́, помышлáй,/ и сия́ пред
лицé твоé принеси́,/ и кáпли испустí слез тво́их:/ рцы со дерзновéнием де́яния и по-
мышлéния Христú,/ и оправдáйся.

Не бысть в житий грехá, ни де́яния, ни злóбы,/ ея́же аз, Спáсе, не согрешíх/ умóм
и слóвом, и произволéнием/ и предложéнием, и мы́слию, и де́янием согрешíв,/ я́ко
ин никто́же когда́.

Отсю́ду и осуждён бых,/ отсю́ду препрén бых аз окая́нный от свое́я sóвести,/ ея́же

ничтѡже в міре нужнѣйше./ Судіе, Избáвителью мой, и вѣдче,/ пощади́ и избáви, и спасі́ мя, раба́ Твоегѡ.

Лѣствица, юже віде дрѣвле/ вели́кий в патриáрсах,/ указáние есть, душѣ моѣ,/ дѣятельнаго восхождѣнія, разумнаго возше́ствия,/ áще хощеши ўбо, дѣянием, и разумом,/ и зрѣнием пож́ити, обнові́ся.

Зной дневный претерпѣ/ лишѣнія рáди патриáрх,/ и мраз но́щный понесѣ,/ на всяк день снабде́ния творя́,/ пасы́й, тружда́йся, работа́яй,/ да две женѣ сочѣта́ет.

Жены́ ми две разумѣ́й,/ дѣяние же и разум в зрѣнии,/ Ли́ю ўбо дѣяние, я́ко многоча́дную,/ Рахѣ́ль же разум, я́ко многотру́дную,/ ѡ́бо кромѣ трудо́в, ни дѣяние, ни зрѣние душѣ, испрáвится.

Слава, Троичен: Неразде́льное Существо́м,/ неслѣ́тное Ли́цы/ богослѡ́влю Тя, Трѡ́ическое Еди́но Божество́,/ я́ко единоца́рственное и сопресто́льное,/ вопію́ Ти песнь вели́кую,/ в вѣ́шних трегу́бо песнослѡ́вимую.

И ныне, Богородичен: И ражда́еши и дѣвствуеши,/ и пребывáеши обою́ду естество́м Дѣ́ва:/ Рождѣ́йся обновля́ет зако́ны естества́,/ утроба́ же ражда́ет, не ражда́ющая./ Бог идѣ́же хощет, побежда́ется естества́ чин,/ творі́т бо ели́ка хощет.

Песнь 5.

Ирмос: От но́щй ўтреню́ющая,/ Человеколю́бче, просвети́, молю́ся,/ и наста́ви и менѣ́ на повелѣ́ния Твоя́,/ и научи́ мя, Спа́се,/ творі́ти во́лю Твою́. *(дважды)*

В но́щй жити́е моѣ́ преидѡ́х прѣ́сно,/ тьма́ бо бысть и глубока́ мне мгла, но́щь грѣха́,/ но я́ко дне сы́на, Спа́се, покажи́ мя.

Рувѣ́ма подража́я ока́янный аз,/ содѣ́ях беззакѡ́нный и законопресту́пный со́вет на Бо́га Вы́шняго,/ оскверни́в ло́же моѣ́, я́ко ѡ́тчее он.

Исповѣ́даюся Тебѣ́, Христѣ́ Царю́,/ согрѣши́х, согрѣши́х,/ я́ко прѣ́жде Ио́сифа бра́тия прода́вшии,/ чистоты́ плод и целому́дрія.

От срѡ́дников пра́ведная душа́ связа́ся,/ прода́ся в рабо́ту сла́дкий,/ во ѡ́браз Господне́й:/ ты же вся, душѣ́, продала́ся еси́/ злы́ми твои́ми.

Ио́сифа пра́веднаго и целому́дреннаго ума́/ подража́й ока́янная, и неиску́сная душѣ́,/ и не оскверня́йся безсло́весными стремле́ньми/ прѣ́сно беззакѡ́ннюющи.

Áще и в ро́ве поживѣ́ иногда́ Ио́сиф,/ Влады́ко Го́споди,/ но во ѡ́браз погребѣ́ния и воста́ния Твоегѡ́./ Аз же что Тебѣ́ когда́ сицевѡ́е принесу́?

Слава, Троичен: Тя, Трѡ́ице, сла́вим, Еди́наго Бо́га:/ Свят, Свят, Свят еси́́ О́тче, Сы́не и Ду́ше,/ прѡ́стое Существо́,/ Еди́нице прѣ́сно покланя́емая.

И ныне, Богородичен: Из Тебѣ́ облече́ся в моѣ́ сме́шение,/ нетле́нная, безму́жная Ма́ти Дѣ́во,/ Бог созда́вый ве́ки,/ и соедини́ Себѣ́ челове́ческое естество́.

Песнь 6.

Ирмос: Возопѣ́х всем се́рдцем моѣ́м/ к ще́дрому Бо́гу,/ и услы́ша мя от а́да преиспо́дняго,/ и возведе́ от тли живѡ́т мой. *(дважды)*

Сле́зы, Спа́се, очию́ моѣ́ю,/ и из глубины́ воздыхáния/ чи́сте приношу́, вопію́щу се́рдцу:/ Бо́же, согрѣши́х Ти/ очисти́ мя.

Укло́нилася еси́́, душѣ́, от Го́спода твоегѡ́,/ я́коже Дафа́н и Авиро́н,/ но пощади́, воззови́ из а́да преиспо́дняго,/ да не про́пасть земна́я тебѣ́ покрýет.

Я́ко ю́ница, душѣ́, разсви́репѣ́вшая,/ уподо́билася еси́́ Ефре́му,/ я́ко се́рна от тенѣ́т сохрани́ жити́е,/ вперѣ́вши дѣя́нием ум, и зрѣ́нием.

Рука́ нас Моисѣ́ова да увѣ́рит, душѣ́,/ ка́ко мо́жет Бог прокаже́нное жити́е/ убе́лити, и очисти́ти,/ и не отча́йся сама́ себѣ́,/ áще и прокаже́нна еси́́.

Слава, Троичен: Трѡ́ица есмь́ прѡ́ста, неразде́льна,/ разде́льна Ли́чне,/ и Еди́ница

есмы Естеством соединена, / Отец глаголет, и Сын, и Божественный Дух.

И ныне, Богородичен: Утроба Твоя Бóга нам роди, / воображена по нам, / Егóже, я́ко Создателя всех, моли, Богородице, / да молитвами Твоими оправдимся.

Таже: Гóсподи, помилуй. (*трижды*) Слава Отцу, и Сыну, и Святому Духу, и ныне и присно, и во веки веков, аминь.

Кондак, глас 6:

Душе моя, душе моя, востани, что спиши? / Конец приближается, и имаша смутиться. / Воспрями убо, да пощадит тя Христос Бог, / вездé сый и вся исполняяй.

Песнь 7.

Ирмос: Согрешихом, беззаконновахом, / неправдовахом пред Тобóю, / ниже соблюдохом, ниже сотворихом, / я́коже заповедал еси нам; / но не предаждь нас до конца, / отцев Бóже. (*дважды*)

Согреших, беззаконновах, / и отвергох заповедь Твою, / я́ко во гресех произвдохся / и приложих язвам струпы себе, / но Сам мя помилуй, / я́ко Благоутрóбен, отцев Бóже.

Та́йная сердца моего / исповедах Тебе, Судий моему, / виждь мое смирение, / виждь и скорбь мою, / и вонми суду моему ныне, / и Сам мя помилуй, я́ко Благоутрóбен, / отцев Бóже.

Саул иногда я́ко погуби отца своего, душе, ослята, / внезапно царство обрете к прослутию, / но блюди, не забываяй себе, / скотския похоти твоя / произволивши па́че Царства Христова.

Давид иногда Богоотец, / а́ще и согреши сугубо, душе моя, / стрелою убо устрелен быв прелюбодейства, / копием же пленен быв убийства томлением, / но ты сама тяжчайшими дела недугуеши, / самохотными стремленьми.

Совокуп убо Давид иногда беззаконию беззаконие: / убийству же любодейство растворив, / покаяние сугубое показа áбие, / но сама ты, лукавнейшая душе, соделала еси, / не покавшись Бóгу.

Давид иногда вообрази, / списав я́ко на иконе песнь, / ёюже деяние обличает, ёже содея, зовый: / помилуй мя. Тебе бо Единому согреших всех Бóгу, / Сам очисти мя.

Слава, Троичен: Трóице прóстая, нераздельная, / единосущная, и Естество еди́но, / Светове, и Свет, и Свята три, и еди́но Свято / поётся Бог Трóица, / но воспой, прослави, Живот и Животы, душе, / всех Бóга.

И ныне, Богородичен: Поём Тя, благословим Тя, / поклоняемся Ти, Богородительнице, / я́ко нераздельныя Трóицы породила еси еди́наго Христа Бóга / и Сама отвёрзла еси нам, / сущим на земли, небесная.

Песнь 8.

Ирмос: Егóже воинства Небесная славят, / и трепещут Херувими и Серафими, / всяко дыхание и тварь, / пойте, благословите / и превозносите во вся веки. (*дважды*)

Согрешивша, Спасе, помилуй, / воздвигни мой ум ко обращению, / прими мя, кающегося, ущедри вопиющего: / согреших Ти, спаси, / беззаконновах, помилуй мя.

Колесничник Илия, / колесницею добродетелей вшед, / я́ко на небеса, ношашеся / превыше иногда от земных, / сего убо душе моя, восход помышляй.

Елиссей иногда приём милоть Илиину, / прият сугубую благодать от Бóга; / ты же, о душе моя, сея не причастилася еси благодати / за невоздержание.

Иорданова струя первее, милотию Илииною / Елиссеем, ста сюду и сюду; / ты же, о душе моя, сея не причастилася еси благодати / за невоздержание.

Соманитида иногда / праведнаго учреди, о душе, нравом благим; / ты же не ввела

еси в дом,/ ни странна, ни путника./ Тѣмже чертога изрѣнешися вон, рыдаючи.

Гиезіев подражала еси окайнная/ разум скверный всегда, душе,/ егоже сребролюбие отложи понѣ на старость;/ бѣгай геенскаго огня,/ отступивши злых твоих.

Благословим Отца, и Сына, и Святаго Духа, Господа.

Троичен: Безначальне Отче, Сыне собезначальне,/ Утешителю Благий, Душе Правый,/ Слова Божия Родителю,/ Отца безначальна Слове,/ Душе живый и зиждай,/ Троице Единице, помилуй мя.

И ныне, Богородичен: Яко от оброщения червленницы, Пречистая,/ умная багрянница Еммануилева,/ внутрь во чреве Твоем плоть исткася;/ тѣмже Богородицу войстинну Тя почитаем.

Песнь 9.

Ирмос: Безсеменнаго зачатия Рождество несказанное,/ Матере безмужныя нетленен Плод,/ Божие бо рождение обновляет естества./ Тѣмже Ты вси роди,/ яко Богоневѣстную Матерь,/ православно величаем. (дважды)

Ум острूपися, тело оболѣзися,/ недугует дух, слово изнеможе,/ житие умертвися, конец при двѣрех./ Тѣмже, моя окайнная душе, что сотвориши,/ егда придет Судия испытати твоя?

Моисеово привелъх ти, душе, миробытие,/ и от того все заветное писание,/ повѣдающее тебѣ праведныя и неправедныя:/ от нихже вторыя, о душе, подражала еси, а не первыя,/ в Бога согрѣшивши.

Закон изнеможе, празднует Евангелие,/ писание же все в тебѣ небрежено бысть,/ пророцы изнемогша, и все праведное слово,/ струпи твой, о душе, умножишася,/ не сущу врачу исцеляющему тя.

Новаго привожду ти писания указанія,/ вводящая тя, душе, ко умилению;/ праведным убо поревнуй, грѣшных же отвращайся,/ и умилостави Христа молитвами же и пощеньми,/ и чистотою, и говѣнием.

Христос вочеловѣчился,/ призвав к покаянию разбойники, и блудницы,/ душе, покайся, дверь отверзется Царствия уже,/ и предвосхищают е фарисее и мытари/ и прелюбодѣи кающияся.

Христос вочеловѣчился,/ плоти приобщився ми,/ и вся, елика суть естества хотѣнием/ исполни грѣха кроме,/ подобие тебѣ, о душе,/ и образ показуя Своего снзхождѣния.

Христос волхвы спасе,/ пастыри созда,/ младенец множества показъ мученики,/ старцы прослави, и старыя вдовыцы,/ ихже не поревновала еси, душе, ни деянием, ни житиѣ,/ но горе тебѣ, внемда будѣши судитися.

Постився Господь дней чотыредесять в пустыни,/ последи взалка, показуя чело-вѣческое;/ душе, да не разленишися, аще тебѣ приложится враг,/ молитвою же и постом от ног твоих да отразится.

Слава, Троичен: Отца прославим, Сына превознесем,/ Божественному Духу верно поклонимся,/ Троице нераздельней, Единице по Существу,/ яко Свету и Светом, и Животу и Животом,/ животворящему и просвещающему концы.

И ныне, Богородичен: Град Твой сохраняй,/ Богородительнице Пречистая,/ в Тебѣ бо сей верно царствуяй,/ в Тебѣ и утверждается,/ и Тобою побеждаяй,/ побеждает всякое искушение,/ и пленяет ратники,/ и проходит послушание.

Припев: Преподобне отче Андрее, моли Бога о нас.

Андрею: Андрее честный, и отче треблаженнейший,/ пастырю Критский,/ не престаи моляся о воспевающих тя,/ да избавимся вси гнева и скорби, и тления,/ и пре-

грешений безмёрных,/ чтущии твою память верно.

Таже поем оба лика ирмос: Безсеменнаго зачатия Рождество несказанное,/ Матере безмужныя нетленен Плод,/ Божие бо рождение обновляет естества./ Темже Тя вси роди,/ яко Богоневестную Матерь,/ православно величаем.

И прочее последование Повечерия.